

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI

Broj: 003-0-Su-24-000 658

Datum, 11. mart 2025. godine

**STATISTIČKI IZVJEŠTAJ O POŠTIVANJU OPTIMALNIH I PREDVIDIVIH ROKOVA
U PERIODU OD 01.01.2024. GODINE DO 31.12.2024. GODINE**

U skladu sa članom 15. stav 1. Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini, a shodno Odluci o predvidivim rokovima Kantonalnog suda u Tuzli, dostavljamo Vam statistički izvještaj o poštivanju optimalnih i predvidivih rokova za period od 01.01.2024. godine do 31.12.2024. godine.

Analiza pokazatelja iz statističkog izvještaja o poštivanju optimalnih i predvidivih rokova:

Statistički izvještaj o poštivanju optimalnih i predvidivih rokova iz CMS-a dostavlja se u prilogu obzirom da je isti u Pdf formatu,

Analizom navedenih pokazatelja konstatovano je da je do prekoračenja predvidivih rokova došlo je na drugostepenom privrednom referatu i vanparničnom referatu, te da to prekoračenje na privrednom referatu je bilo u 226 predmeta, a na vanparničnom referatu u 183 predmeta. Na ostalim referatima bilo je prekoračenja predvidivog roka ali u neznatnom broju predmeta od 5 do 17 predmeta, s tim što je na drugostepenom referatu u zemljišno – knjižnim predmetima „Dn – GŽ“ to prekoračenje bilo u 78 predmeta.

U Kantonalnom sudu u Tuzli na početku izvještajnog perioda tj. sa 01.01.2024. godine na svim referatima bilo je ukupno neriješenih 4.646 predmeta. U izvještajnom periodu primljeno je na svim referatima 3.804 predmeta, tako da je ukupno u radu bilo 8.450 predmeta, što znači da su sve sudije u ovom periodu bile radno angažovane svaki bi sudija u prosjeku bio zadužen sa 281 predmet, što je značajno manje u odnosu na prošlu godinu. Zbog odsustva sudija usljed bolovanja nije bilo moguće smanjiti broj predmeta kako je sud planirao, ali ćemo to nastojati u narednom periodu. U toku 2024. godine na svim referatima riješeno je 5.634 predmeta i od tog broja u optimalnom roku riješeno je 1.730 predmeta, u predvidivom roku 5.053 predmeta i sa prekoračenjem predvidivog roka 581 predmet i to u 226 drugostepenih predmeta privrednog spora, 183 vanparnična predmeta, 78 zemljišno – knjižnih predmeta „Dn – GŽ“ i sa neznatnim prekoračenjem u predmetima registracije poslovnih subjekata (1 predmet), predmetima upravnog spora (7 predmeta), prvostepenom krivičnom referatu (17 predmeta), drugostepenom krivičnom referatu (13 predmeta) i u 5 predmeta u postupcima po vanrednom pravnom lijeku u građanskim predmetima.

Najveće prekoračenje predvidivog roka bilo je u drugostepenim privrednim predmetima i to u 226 predmeta i vanparničnim predmetima 183 predmeta, ali ni to prekoračenje nije značajno veliko u odnosu na prethodnu godinu. Do ovog prekoračenja došlo je zbog opterećenja sudija koji su zaduženi sa većim brojem neriješenih predmeta i svaki sudija na građanskom referatu zadužen je u

prosjeku sa oko 110 predmeta, što predstavlja normu od sedam mjeseci svakog sudije koji radi na ovom referatu, bez priliva novih predmeta i objektivno zbog većeg broja predmeta ne mogu se ispoštovati predvidivi rokovi, iako je u odnosu na prethodne godine značajno smanjeno opterećenje sudije sa ukupnim brojem neriješenih predmeta, jer je došlo do povećanja broja sudija. Na ovom referatu do 28.02.2024. godine radilo je 22 sudija, a u mjesecu februaru 2024. godine stupio je na dužnost novi sudija koji je izabran u prethodnoj godini, tako da je na građanskom referatu do kraja 2024. godine radilo 23 sudija.

Na prvostepenom krivičnom referatu došlo je do prekoračenja predvidivog roka u 17 krivičnih predmeta, jer se radi o predmetima koji su složeni i u kojima krivični postupak zbog složenog dokaznog postupka traje duži vremenski period. U jednom broju ovih krivičnih predmeta, predmeti se zbog procesnih razloga ne mogu staviti u rad, jer su optužena lica nedostupna i protiv njih su raspisane potjernice. Prije svega radi se o predmetima ratnih zločina koji su zbog nedostupnosti optuženih lica blokirani i ne mogu se raditi, kao i u 12 ostalih krivičnih predmeta u kojima su osumnjičena, odnosno optužena lica nedostupna. Na ovom referatu trenutno radi 5 sudija, jer je šesti sudija otišao u penziju u novembru mjesecu 2023. godine. Prioritet u radu imaju predmeti ratnih zločina, organizovanog kriminala i korupcije, te se ovi predmeti, ukoliko postoje procesne pretpostavke uzimaju u rad i u tim predmetima se zakazuju glavni pretresi i nastavci glavnih pretresa u što kraćim rokovima.

Na drugostepenom krivičnom referatu u 13 riješenih predmeta došlo je do prekoračenja predvidivog roka, a riješeno je ukupno 379 predmeta u ovom izvještajnom periodu, od čega 176 predmeta u optimalnom roku, 366 predmeta u predvidivom roku i sa prekoračenjem predvidivog roka 13 predmeta.

Na drugostepenom prekršajnom referatu riješeno je ukupno 359 predmeta, od čega u optimalnom roku 347 i 2 predmeta sa prekoračenjem predvidivog roka. Prekršajne predmete trenutno radi dvoje sudija i ovaj referat je izuzetno ažuran.

U ostalim vrstama postupka i to u zemljišno – knjižnim predmetima, od ukupno završenih 120 predmeta, 31 predmet završen je u optimalnom roku, 42 predmeta u predvidivom roku i 78 predmeta sa prekoračenjem predvidivog roka. Također, od 53 završena prvostepena krivična predmeta 24 predmeta su završena u optimalnom roku, 36 predmeta u predvidivom roku, od čega 17 predmeta sa prekoračenjem predvidivog roka. U predmetima upravnog spora završeno je ukupno 401 predmet, od čega 359 u predvidivom roku, a 42 sa prekoračenjem predvidivog roka.

Broj neriješenih predmeta na kraju izvještajnog perioda je 2.816 predmeta, što znači da se smanjio broj neriješenih predmeta za 1.830 predmeta u odnosu na početak godine i to iz razloga jer se povećao i broj sudija u sudu. Prosječno trajanje riješenih predmeta iznosi 366 dana, a prosječno trajanje neriješenih predmeta iznosi 253 dana, što predstavlja smanjenje u odnosu na prethodnu godinu.

Problem predvidivih rokova ne bi bio toliko izražen da sudije rade samo zaostale neriješene predmete koji su određeni Odlukom o predvidivim rokovima sa danom 01. januar 2024. godine, ali problem postoji jer se predmeti u ovom sudu rješavaju prema Planu rješavanja predmeta, te ukoliko je predmet star i došao na rješavanje po žalbi u ovaj sud, uzima se odmah u rad, pa stoga postoji nesklad između Plana rješavanja predmeta i Odluke o predvidivim rokovima prema kojoj se predmeti trebaju uzimati u rad prema starosti inicijalnog akta kojim je pokrenut postupak pred ovim sudom.

Analiza raspoloživih resursa u sudu:

Kantonalni sud u Tuzli pokriva područje 8 općinskih sudova i obzirom na broj sudija i stručnih saradnika u tim sudovima i predmete koji dolaze na rješavanje po žalbi u ovaj sud nije moguće rješavati predmete u predvidivim rokovima. Kao i u prethodnim godinama postoji nesrazmjer između broja sudija ovog suda i broja sudija općinskih sudova i stručnih saradnika. Sa 31.12.2024. godine u Kantonalnom sudu u Tuzli radilo je 31 sudija, uključujući i predsjednicu suda, s tim što je jedan sudija dodatni sudija, a jedan sudija je otišao u penziju krajem mjeseca novembra 2024. godine.

Obzirom na veći broj sudija, realno je očekivati bolje kvantitativne rezultate u pogledu rješavanja predmeta u odnosu na prethodnu godinu.

I u 2024. godini u ovom sudu je izražen problem nedostatka administrativno – tehničkog osoblja (daktilografa) koje bi bilo u funkciji podrške rada sudija, jer obim posla koji se povećao radom na CMS-u i konstantno povećava, zahtijeva da svaki sudija ima svog saradnika – daktilografa, a što zahtijeva i dodatna sredstva u budžetu. Posebno naglašavamo, da su sve sudije maksimalno angažovane na svojim referatima, te da u skladu sa donesenim Planom rješavanja predmeta rade stare predmete i dosljedno se pridržavaju tog plana.

Posebno je izražen problem odlaska administrativno – tehničkog osoblja u penziju, jer je teško naći zamjenu za ove zaposlenike zbog nezainteresovanosti kandidata da obavljaju u sudu ove poslove. Na oglase nam se u posljednjim godinama prijavljuje sve manji broj kandidata, tako da će ovaj problem biti izražen i u narednom periodu, a direktno će uticati na efikasnost rada suda.

Analiza „perioda neaktivnosti” u predmetima:

U ovom izvještajnom periodu u Kantonalnom sudu u Tuzli je na snazi Plan rješavanja predmeta, te se u skladu s tim Planom sačinjavaju kvartalni planovi i predmeti dodjeljuju sudijama u rad prema starosti inicijalnog akta kojim je pokrenut postupak pred općinskim sudom i prema starosti faze kojom je predmet zaveden kod ovog suda. Predmeti u sudu su ravnomjerno raspoređeni na sve sudije, tako da su u pogledu ukupnog broja predmeta sudije ravnomjerno opterećene. U nekim prvostepenim krivičnim predmetima zbog raspisanih potjernica protiv optuženih lica, predmeti su neaktivni i ne mogu se raditi, tako da su u CMS ti predmeti određeni kao nerješivi. Također jedan broj građanskih predmeta zbog vraćanja prvostepenim sudovima na izviđajne radnje ne može se raditi dok se predmet nakon preduzimanja izviđajnih radnji ponovo ne dostavi od strane općinskog suda. Ti predmeti su u CMS su označeni kao privremeno nerješivi, s tim što se kontinuirano prati da li je predmet koji je označen procesno nerješivim, ponovo dostavljen od strane općinskog suda, ovom sudu na rješavanje po žalbi, i u tom slučaju predmet se mimo plana rješavanja predmeta odmah uzima u rad. Na građanskom referatu i drugostepenom krivičnom referatu, postoji opravdana neaktivnost rada na predmetima, jer sudije objektivno zbog velikog broja zaduženih predmeta i pritvorskih predmeta, ne mogu predmete uzeti u rad, jer 85% mjesečne norme isključivo rade stare predmete, a preostali dio norme od 15% pritvorske predmete, predmete nasilja u porodici, privremene mjere, kao i ostale predmete po zakonu hitne prirode.

Prijedlog mjera kako bi se utvrđeni predvidivi rokovi skraćivali i približavali optimalnim rokovima:

- Potrebno je u Kantonalnom sudu u Tuzli u narednom periodu izvršiti popunjavanje sistematizacije suda sa stručnim saradnicima koji bi bili u funkciji podrške rada sudija, posebno na krivičnom referatu, gdje su sudije izuzetno opterećene predmetima svih vrsta. U sistematizaciji ovog suda sistematizovano je 6 pozicija stručnih saradnika, a samo je jedna

pozicija popunjena i u toku je postupak za popunjavanje još jedne pozicije stručnog saradnika koji provodi Agencija za državnu službu Federacije BiH. Za popunu te pozicije sud je dobio saglasnost Vlade Tuzlanskog kantona, ali nije dobio za popunu preostale 4 pozicije stručnih saradnika, jer je potrebno u Budžetu suda obezbijediti sredstva za tu namjenu.

- Potrebno je izvršiti popunjavanje upražnjenih pozicija administrativno – tehničkog osoblja koje je u funkciji podrške rada sudijama, jer je značajan broj zaposlenika ove kategorije u ovoj godini otišao u penziju. Za 4 pozicije viših referenata za administrativno – tehničke poslove sud je dobio saglasnost za raspisivanje oglasa i taj postupak je u toku.
- Visoko sudsko i tužilačko vijeće BiH kada postoji mogućnost u skladu sa zakonom, treba koristiti institut delegacije sudija iz sudova koji su ažurni u sudove koji imaju veliki broj neriješenih predmeta, jer jedan dio kantonalnih sudova nemaju predmeta za rad, a sudije u tim sudovima nisu zainteresovane da budu delegirane na rad u drugi sud.

PREDSJEDNICA SUDA

Indira Hadžimehmedović